

РУССКА ПРАВДА

ОРГАН ЎГОСЛАВЯНСКИХ РУСИНОХ

РЕДАКЦИЯ И АДМИНИСТРАЦИЯ
Нови Сад, Трг Мајке Јевросиме 1.

Нови Сад 2 августа 1936.
Излази повремено

ПОЕДИНИ БРОЈ 1 ДИНАР

Русскому народу у Югославії!

Дня 8 и 9 аугуста буду у Коцуру як гости Карпаторуски студенти и учитеље. За тоти два дні буду тримац бешеди о животу наших братох на Горніци и упознаю нас зос писнями и танцами. Зато вибрани комитет поволує шицких братох Русинох, без разлики вироксповиданія, до Коцура да привитаю своїх високих госпох и братох.

Докажме, же зме достойни свойого русского мена и младих по-томукох, хтори приходза зос нашей дідовщини. Докажме им, же нам мило же нас приходза опатриц и не охабляйме их алс их примайме ягод родзених братох.

ЗАТО ШИЦКИ НА 8 И 9 АУГУСТА ДО КОЦУРА!

КОМИТЕТ

МИЛИ БРАЦА РУСИНИ!

Зос Чехословачкей, зос наших милих Карпатах, зос Горніци приходза нам браца и шестри, приноша заставу братской любови и злоги Хтора ше пошвеци у Коцуре зос величким торжеством на 9 августа.

Мили браць зос Горніци пришлі ишче 19 юна до Югославії, на першим месце посетели гроб благопочившого нашого Краля Й. В. Александра I Уєдинителя а потім шицки нашо краї и на 7 августи на 6 годзин вечар сцигню на штацию до Нового Вербасу дзе будзе торжествени дочек. Зос Купура придзе свидома молодеж на хотар да их дочека на кочох и коньох и цала поворка ше руши до Коцура, пред дом Народней Одбраны, дзе буду дочекани од своих братох, и званично привитани. В суботу ше браца дакус одпочиню и роспратра валал и його знаменитосци. В недзелю 9 августи на дзвеъц годзин рано будзе пошвецане застави хтору нам браца принесли як залогу братства и любови, да остане на

ники вирни спомен нашей взаимносци и залог, за вельо векшу нашу духовну и культурну звязу зос братами хтори ишче остали на Горніци. Торжествени чин ше отрима на отвореним месце пред народом и то пред Коцурским политичким общечтвом. Ту буду поздравни и пригодни бешеди тримац браца зос Горніци, и будзе явна манифестация братства.

Вечар на пол дзвеъц будзе концерт у гостионици Н. Горняка-Чобана зос националним програмом и балалайками, як и шпиваньем наших писньох. После програму будзе банкет и танец.

Мили браца. Позберайце ше зос шицких валалох до Коцура за тото нашо велике торжество зос хторим отпочню нашо блиши звязи зос братами на Гороци. Не дайце ше завесц од одродох наших, хтори надзываю братох „батогашами“ гоч вони немаю ніякей связи зос німа, не верце поповским „Руским Новином“ хтори ширя циганство. Руски народе ставай, не дай ше залудзовац и роботу

охаб, не сануй їй жертви, и укаж братом же за ніх братське шерцо и тераз дурка гоч як зме за дуги часи даліко були од ніх.

Коцуруци, будде поносни на вашу свідо мосць, будде поносни же ви вше були перви кед требало робиц за Русина, кед го требало чувац од мадяризациі, будде поносни же сце и нешка перши кед треба дочекац милих братох, кед треба зробиц историйске діло и вдериц темель культурному збліженю зос братами на Горніци. Кед вам то скорей сперали мадярски жандаре зос кундаками у руках и златним пирками за калапом, тераз вам то ніхто не сперї и укаже ше достойни велького діла, дочекайце братох, почасце их, отворце им шерца вашо, най приповедаю дома за братох своїх у милей нам Югославії.

Русин

БРАТОМ ЗОС ГОРНІЦІ

Мили шестри и братове
Витайце нам у тим kraю,
А кажде Вам шерцо пове
Же Вас браца барс примиа.

Примиа Вас ягод квеце,
Зос свойей загратки.
Бо Ви терас принешеце,
Поздрав нам од „матки“.

Примиа Вас у радосци
Як цо примиа оцец сина,
„Притце до нас мили госци“!
Бо сце нам родзина.

Зато притце як до дому
А не ягод у край нови,
Притце гу нам, гу своєму
Гу братови Русинови.

Михаил М. Шарик
богослов

ПРИХОДЗА БРАЦА

Зос Карпатской Руссії, зос Горніци, откац нашо дідове пришли, приходза нам нашо найвласнейши браца, наша родзина а dakого од нас навирно и фамилия. Вони приходза зос Чехословачкей да видза нашу милу отчизну Югославию, и приходза гу нам да нам принешу заставу братской любови. Як не маю за циль ніяку вирску пропаганду то ше за прием Собрацелі Рускому Народному Просвітному Друштву у Руским Керестуре а попове хтори у тим друштве глава и душа далі им одзвит: „не ідёце гу нам, ви Руссове а мы

Українци и не маєте віч зос вами“. Одреюшо власних братох а себе и тебе Русски народе нацистскую тоту од пангерманох видуману народносц. Русин або Українец не мож постац як то підр. Габор Костельнік постал. Русином ше мож лем народвиц а рускосц або припадносц другому народу, ше находзи у целу и креви Хтору зме од оца и мацери нашлідаел. Народносц ше не да покресциц, бо то не духовне свойство человека але тчлесне, хторе ше за тераз не да пременіц на ини способ лем нашлідством а ані ше відга на ини способ не годно пременіц. Тоти попове, хтори су родзени Русинами а постали Українци одреюшо себе, своего цела и креви и беру видуману народносц за свою, сцю и тебе Русски народе нацистну Українство. Чом то воні робя то нам добре познате. Робя то у страху за свой хлеб а и пре то бо тебе Русски народе тримаю за „глупого Янка“ хтори попови шлєпо веришицко, думаю: „Русин глупи, цо ше вон діо того розуми, як му пове так мухи вериц и ми його зафарбиме як нам добре будзе“. Але прешлі тоти часи кед шицки Русини таки були. Ми добре знаме цо зме, знаме хто брат а хто шлідзи пангерманским и римским цилью и завадзує и замержує Славянох да би им ше лежчайше видрапал на хрибет и завладал зос німа. Замержу братох Сербох и Хорватох, уж замержелі Полякох зос шицким Славянством. Тераз приходзи на шор вельки Русски народ и його треба ростаргац бо е страшне вельки и моцни. Ту видумана Україна, хтору прилапели руски сепаратисти и одроди славянства и рускосци на України и римски фанатики. У нас тоту високу „ролю“ вжали на себе нашо „піпове“. Кресца це руски народе Українцом, бо думаю же ши духовно шлєпи и же и далі будзеш шлєпо исц іх шлідом. Крию од це же ані на України нет Українцох окрем гарсточки одпаднікох, плацених агитаторох, па и Римских фанатикох яки су и сами. Крию од це же на України тиж Руси жиу и преврацаю историю як им мило бо веря же ти и так праву не познаш. Братох зос истих валалох откац пришлі и нашо дідове одреюшо ше як Юда Христа; еще и горше, бо ше Юда одрек „учителя своего“ а вони ше власних братох одреюшо. Гуторя ци же зме зос Горніци а кресца це Українцом гоч добре знаю же Україна од Горніци исто так даліко як и ми ту од Горніци. Руски народе ставай, остатні час да отвориш очи и да не будзеш шлєпи попри здравых очох. Не дай ше тримац за глупого Янка, па гоч хто це сцел за нъго тримац. Сам роздумай зос свою главу, бо ци ю и Бог за то дал (дал ци шлєбодну волю) и

увидзиш дзе лежи правда. Не дай ше шлєпо водзиц ні од кого па ані од поюх, хтори на кождым крочаю творя діла нёдстойна іх поволаня. Цо іх зашлеповане народу и змагане за власцу и капиталом може зробиц видно нешкя у Шпаниї. Бидни народ, зашлепени, давал им виками жертви, док воні не забралі цали маєток у держави а народ остал голи, боси и гладни; и ето причини революції и преліваню креви хторе ше медзи родзенім братами уж мешацами става.

Так од тих, хтори вжали на себе проповидац любов, правду и братство наставаю велі и велі нёдла.

Прето Русски народе не дай ше шлєпо водзиц, але щиро дочекай своіх власных братох, бо духовни оцове до ше зос левурверами боря, нёдстойни да це и далейводза.

Др. Јован Шарик

ВИТАЙЦЕ НАМ, МИЛИ ГОСЦИ!

Першираз по войни, од кеди ми Югославянски Карпато-Росси oddzeléni od наших братох на Горніци, приходза гу нам нашо браца зос нашей милей матушки Подкарпатской Руси. Их перши приход гу нам од велького, исторического значеня не лем за нас югославянских Русинох, але и за цали руски народ, бо од того часу поставаю еще цеснейши авязи зос нашу русску праділов щину.

Кажды югославянски Русин, ми вериме, з радосцу прима наших братох — студентох з русского Подкарпаття; но нажаль и при тей нагоди мушиме наглашиц, єдну аномалию, котру зме и до терас наглашовали, а то ёст, же извесни нашо елементи, котри неприятельски диспонирави гу рускосци и терас, и при тей нагоди показали праву свою фарбу. А як то?

Скорей як цо нашо карпато-русске студенчество предприняло свою драгу гу нам до Югославії, а хованци єднаку и непристрасну любов гу шицким нам югославянским Русином, без розлики вироисповиданя, замодльо воно як наш „Союз“ так и поповску „Просвіту“ у Керестуре, же би одредзене число студентох з Горніци радо пришли опатриц нас ту по наших русских валадох, да видза, як ми ту жиєме и чи зме еще не забуди зошицким на свой русске происходзене, на свой карпато-русски корень. И цо ше стало?

Док наш „батогашки“ Союз зос роширеніма руками, з братску, русску любовию пристал и обецал привитац достойно наших братох, синох карпато-русскоаг народа, дотля

попове, узурпатори власци и волі РНПД зос непэнятних нам причинох „достоянствено“ и „по босански“ одбили привитац наших братох, карпато-русске студенчество. Сден культурни скандал испод каждай критики не лем за наших попох але и цали наш югославянски русски народ!!! Тым баржей, бо велька векшина тих студентох припада баш до греко-католіцкай церкви, отже церкви до котрой припада и векшина наших югославянских Русинох и нашо попове. Так тоти исти попове, водител€ тей преславеней „по-псовскай культуры“, с котру давя наш народ, достойни на нёдзелю биц с песьцами по казательніци и гуториц: „Любите ближняго своего...!“ Ганьба то за нас кед у нас носител€ культуры койдзеяки босански додъше и авантуристи. Докгд дошлебодзиме да нас таки нёдстойни людзе водза вше будземе заостати за другима просвищенима народами. Така культура, таке воспитоване народа и таки попове, котри ше так варварски понашаю су за осуду!

Но, а цо терас робиц? Гоч нам жаль же зме наших братох, ми шицки югославянски Русини, у шицких наших валадох не могли достойно привитац, а ми зато не виновати, ипак голем наш Союз у Коцуре радуе ше и прима за свою вельку чест да привита, на келью може досюйнейше наших студентох, квиток нашего карпато-русскоаг народа. Наш Союз горди на то, же вон перши по войни, инициативно предпринял частейши стики зос нашим народом на Горніци, бо док вон не постоял, наш народ уж почал забувац на свою русску Духновичову Горніцу. У тим русским духу наш Союз робел од своего основания, а у тим духу надійме ше предлучиц далей роботу, не патраци на неприятельськох хтори спераю цигурни його прогрес. Придзе час, же и наш народ пове раз ёдно-гласно: русска національносц на перше место а шицко друге на страну, як цо то наш народ на Горніци уж давно зробел!

Мили нашо госци! Пребачце нашему югослав-русскому народу тот немили інцидент и знайце же наш народ в Югославії зато невиновати, но виновати тоти хтори го водза по неприродных, нерусских драгох! Наш народ без взгляду на тих попох прима вас сердечно з роширеніма руками, и з индигнацію осудзуе тот нёдстойни єдного культурного человека акт. Най ім судзи история а народ ім уж давно осудзел! Верцё, же нашо русски ўрэцца бию єдинага за русскосц, котрой ви ше являце носител€! Придцё до нас терас и вше од терас! Будзе нашима госцама цо частейше и чувствуиц ше як у своіх домох бо и у нас як и у ваших русских домох

бию русски шерца, русски дух веє. Ви носите зориох русской любови, русского духа од нашого русского кореня, не дошлебодзю, не дайце да русске слунечко з востока престане ошвицовац своёю росшати по швеце дзеци! не допуще да отаргнути русски конарчок велького русского стабла ту висохне, но залівайце го зос швижу воду русского же-рела! Не дайце да нам унічтожа рускосц агенти хибних и погубених, неруских идеох! Будце такими пробудителями рускосци у юнословенских Русинох якима було и русске войско на Горніци 1848 року!

А ми обецаме вам, же будземе и далей робиц на национальним будзеню нашого народа в Югославії, у русским духу, у таким духу як нам то охабел наш вельки, незабутни поета и будитель карпато-русского народа блаженопочивши о. Александр Духнович. Док жиє його дух у шерцах нашого народа, дотля — то треба да знаю неприятел рускосци — ані рускосц не згине, но будзе жиц на вики.

У то име, мили нашо госци, ми вас сердечно витаме и кличеме вам з нашим руским: „Витайце у нас!“

Ніколай Д. Олеяров
дипл. правник

МОЙО ДАСКЕЛЬО СЛОВА ЮГОСЛАВЯНСКИМ РУСИНОМ

Мили браца и шестри!

Єден од важнейших моментах у моім животу, то пребуточку ту у Югославії. Мойо жадане уж давно було да ше упознам з вашим животом. Благодарим Всешиньому же ше находзим у вашим стредку и випитуем шицко того, цо випитуєце и ви сами. Кед сом ше зберал до Югославії, та сом думал же там найдзем мир и любов, основану на правилах Християнства. Алі я тово не нашол. Лютий враг уцагнул ше до нашого народного стредку и прави баламуту. Йому то не довольне, же наш народ посцигли вшеляки нещасца, алі унесли медзи вас політику Варшави, Берлина и Рима под фирмую українізма. Випущели они глас, же ми не русски народ, же ми враги русского народа, бо ше не називаме українцами. Народ у початку не могол похопиц бависко українських „панчукох з червенима кошулями“ и соглашув ше з німа. Алі кед Українци почали одберац од нашого народа його руске меню, народ ше почал будзиц. Указало ше же по-литика Рима и Берлина а и Варшави ведзе русски народ до погибелі и нового робства.

Нашли ше и таки синове русского на-

рода хтори ше вифабриковали од українських панчукох, заплювали своєю святе меню русске, традиції своїх прадідох, одрекли ше од своїх шестрох и братох и одох и почали цагац шмердзаци воз, котри веже тот смрад русскому народу.

Мили браца и шестри! Я лем не длуго пребивам у братской нам Югославії, а дознал сом же українска зараза посцигла и вас! Тераз видзим же до то. Вам, да замасца очи, вождове українського сепаратизму, навязую и приліпую „русско-українске“ меню. Боя ше вони назвац вас такой отворено „українцами“, бо то за вас цошка нове. А русски народ новаторій не церпи! Я зауважел, же греко-католічки попове зос виру ровнаю українство. То они преводза зос диктаторским способом. Хто не українец, того треба биц, зарезац, роспарац, бо тот ше не покорує своіому духовному оцви. Гоч-вон и греко-католік, алі он у очах свого духовного оца подлец, або аж комунист!

Шицко тово сом видзел по русских валах у Югославії. Вашо панодове диктаторски водза агітацию на пользу українізма. У „Руских Невинох“ ше служа зос револверским журналізмом. Називаю других „гусопасами“ и „недозретими ягодами“, а забываю же у церквох наказую: „Люб ближнього свого як сам себе“. Ту ше видзи их фарисейство. У церкви го люб, а вонка го бий, клеветай, нішщ, и то зато же поп чува свою егзистенцию, свой хлеб, да баби ноша на служби, а не да брані свой русске я. Вельо би ше дало гуториц за тих плацених агентох українізма. А кед, мили брате, сцеш з німа сердечно побешедовац, вон збешнето вдери с пісцами до стола, назве це батогашом, зопредавцом, комуністом, а то за то же несцеш церпиц диктатуру. Други укажеци револвер, кричи и преци зос казательніци и треба полне розорене цалого русского народа. У шицким тим видзиш стари дух, кед мадярски власци с корбачом у рукох гнали бидни русски народ до арешту, лем за то же ше не повиновал своїм властітелью. Друга біда у вас у тим, же українізам у нашим народу агітую цудзі елементы, хтори ше доблукали за хлебом до Югославії. На Горніци агітую за українство обманци хтори сцекли с Польскай Галичини од власцох, а у вас ище агітую за українство и попове Хорвати. З того видзиме же ані єдни ані други су не нашей креви ані народносци.

Мили русски народе! Доклі будзеш церпиц на своім хрыбту рабство цудзіх панох, плацених агентох українського сепаратизму? Зотреш зос себе окови по іх методох? Розбіи и розжень гордо українських спрэвадлівцох.

Пришол час пребудзиц ше! Отвор очи, та увидзиш же ше давиш у габох українській зарази. Досці страданю! Тераз жіш у шлебодній державі, ту ше можеш шлебодно розвиваць. Зато не шпи! Вежні кридла и ширше по русскому просторю. Знай, же ти Руснак, як бул твой оцець и мац, а таки и остань вше!

Николай А. Горняк
редактор

МИЛИ БРАЦА И ШЕСТРИ!

Уш остатні час хтори нам остава да раздумаме о своїй будучносци. Треба да попатриме на нешкашні чешки часи, як у народним так и у вирским погляду и да ше опитаме: цо зме, хто нас водзи и дзе идземе?

Знам же ше найдзе даяки філозоф, розуми ше лем „просвіташ“, хтори пове: „Кед ти незнаш цо ши, ми знаме“. За нас то нездесц, бо вони не лем незнану, але ше и фарбя. Рас пишу у новинох же су українци а кед на ніх придзе округло та су Русини. Напишем вам дакус о тих цо так „барс“ знаю же цо су. Перши од тих цо „барс“ знаю (т. й. незнану) то п. Йовген Тимко (да не будзе перши паноцец). Охабим його прешлосць и не дам му даяке гадне меню як цо то вон звикол. Tot p. Тимко видава ше за величного Українца гоч пред пейц рокам незнал ніч о Україні. За Україну tot пан дознал аш кед не зложел осми разред и кед ше врацел зос войски и општини у Прибичевичеву (Бачко д. польє) и кед требал одвітоваць за нечасну роботу. Питам ше панови же хтори му „ангелчок“ открыл туту тайну за хтору док бул шорови незнал? Цо найвекша ганьба tot пан ше од рекол рускосци. Гутори же українци то не Руссове ані Русини але окремни славянски народ. Дакле видава ше за славяна а за славянске друштво „соко“ гутори же то єдна банда хторей треба ногу до затку. Наплювал на „соко“ а тераз ше заш до ньго уписал и зос свою фигуру росплашел хлапцох. Та чи таки чловек ше може видаваць за славяна? Чи ше не ганьби волаць славяном кед таке поробел? Вон ше не ганьби бо го совисць уш давно схабела и ходзи кадзи го за ухо водза а танцуйе як му Українци граю. Так исто зробел и руски „овечко водител€“. Попотпісовал посланицу против „сокола“ як славянски синове. „Сокол“ им не пахнул бо Талияном и Германом ані нешка не пахне, а терас ше заш уписалі до того друштва. Та чи таки людзе можу буць вождове, кед робя процив славянства? Чи вони можу любиць славянство кед го так чарнелі? Думам же да

то зробел у Игалий процив фашистах, та би им уш давно место червеней українській пантльички около шийи вишел штранджок.

Друга слика у тим друштве то п. „Боїч“. Правда о нім би не требало писаць бо хто прочитал „Р. Новини“ тот видзел туту слику: Як ше лем не ганьбел потписаць меню под таки банальносцю а ешчи и „Др“ висторичел. Пан оцець Боїч напада на Горняка за писане у якишкі батогашкіх новинох зос Ужгороду: Наздраве!... ту уж п. Боїч употребел шицку свою дохторску способносць и винашол же у Ужгороду ёст „батогашкі“ новини. Най ше п. и Др. Боїч потрудзі та и у Америки найдзе „батогашох“ бо и там є висліковані. Незнам лем же чом ше п. Боїч так біє по першох же є Русин кед ми добре знаме же є Хорваты руски народ не може маць од нього ніякай пользы лем чкоди. Предал свою народносць та пришол за цензара гу Рускому народу. Нам треба людзох Русинох, славянох и соколох а не „орлох“ и мадьяронох. Док зме их мушелі церпіц та зме и церпелі а тэрас нам их нётреба. Ми сцеме буць Русинам зос Горніци а не Українци або Хорваты. Ми сцеме буць у звязи зос Русинами на Горніци зос хторима бул у звязи и п. Боїч док не постал „Українец“ а тэрас братох зос Горніци не прима, цигурно су „Батогаше“. Дакле таки чловек цо не верни своїому народу не вредзи за нас Русинох ніч як и його „Проевіта“ за хтору гутори же є „колосална“: Найколосалнейше діло „Проевіти“ то, же узнали же су Українци и іх „Українски Алманах“. Вец іх „власни язик“ цо го видумал п. Боїч. Проевіта им помогла да узнаю же Сокольске друштво не вредзи але кед ше кус просьвицелі баржей, увидзел же и то не вредзи та ше заш уписали за „Соколкох“.

Од просьвишеносы о. Буила посталкне погрешиви „Ex cathedra“ (кед наказуйе) бо гуторя же вше наказуйе о дьябловской віри. П. Боїч од просьвишености вше шпива: „віно веселит серце чоловека“ и госцох дочекую зос: „марш вонка, швіньо батогашка“ а його робота и просьвитни изреки: „гусопас“, „дармояд“ и т. д. О Будински виганя зос цудавей хижі госпох зос револьвером: „Проевіще“ ше тримаю старей просьвити: „судци“ народу! пре руковину або плакаць кед згубя суд! Кричана „заряшох“ же им на преподаване ходзя Шваби, Мадяре; то знак же ше нічне робичтайю и же кождому шлебодно да видзій чеснуга работу „заряшох“.

Браца Русини! чи не видзіце же найдзе вас водза тоти „Проевіще“. Видумалі Украйну да вас преведу прейг ней, як прейг моста, до Риму. Чи не видзіце же мержка шицко яко Русске. Наших братох зос Горніци наздзвіаю

агентами, издайниками бо ше боря за рускосц а то Українцом найвекши враг. „Русский Народный Голос“ хтори виходзи у Ужгороду навдіваю батогашким гоч нема ніч зос батогашами але ше бори за рускосц, за народни права и славянство. Як и батогаше „Русский Народный Голос“ чесна новинка, у хторей чуєме диханє наших братох Русинох на Горніца, хтори ше боря процив неправди, процив українських агентох и издайникох рускосці. Зато браца Русини прилючце ше братом на Горніци и ведно, плецо до плеца, брат до брата, да ше браніме од неприятельох рускосці.

Браца Заряше! будце горди же сце чланове друштва хторе ше бори за добро своєго народа, бо ше борице за себе и свойо дзеци а не за Рим. Ваша чесна работа будзе на пользу вашим потомком а менавашо история затрима як борцю за правду и русский народ.

Браца Батогаше! будце поносни же ше вашего батога боя осим мадьярских (подольских) волох и „Просвиташе“ бо ваш батог опека каждого хто не роби як треба и кто предава свой народ. Зато браца „Батогаше“, викашце руکави, батог до рукох и напред! За рускосц! За народ!

Михаил М. Шарик
богослов

РЕЛИГІОЗНАЯ БОРЬБА КАРПАТОРОССОВЪ ВЪ АМЕРИКЪ

О религіозной борьбѣ карпаторусского народа въ Америкѣ, здѣсь въ Югославіи очень мало знаютъ. По этому поводу я разрѣшу себѣ претставить картинку из той несчастной борьбы, которая тормозитъ повсюду нашимъ народомъ. Началась она по той причинѣ, что гр. кат. епископъ Такачъ началъ вводить латинизацію красиваго восточного обряда. Молодымъ богословамъ выдумаль целибатъ. Народ и слушать не хотѣлъ, чтобы кто-то посмѣлъ заводить новшества въ восточный обрядъ. Противъ безженства тоже протестовалъ, ибо видѣлъ ту безморальную жизнь, которую проводили целибаты. Такимъ способомъ возникла борьба на религіозномъ поприщѣ. Епископъ Василій Такачъ настаивалъ на всемъ, только чтобы повиноваться Риму. Но храбрый народъ отвернулся отъ осквернителей восточного обряда и въ челѣ своемъ поставилъ о. Чорняка. Часто духовенство тоже не повиновалось диктату Такача и было безъ милосердія супендировано. Но крѣпкій русский народъ не оставилъ супендованныхъ священиковъ, ибо въ нихъ видѣлъ своихъ защищниковъ какъ церкви такъ и русской

національности. Въ особенности здѣсь много пострадалъ о. Ст. Варзалий, гл. редакторъ „Р. Вѣстника“, на которомъ нѣсколько разъ лежала анаема епископа Такача. О Варзалий не боялся ничего, ибо видѣлъ что идетъ по правдивому пути; и съ Божьей помощью посчастливилось ему разбить непріятелей русского народа. Этугодичная конвенція, кото-рая должна была состояться 21. VI. с. г. состоялась 3. VII с. г. Причина этого была та, что сторонники епископа Такача не хотѣли допустить 120 делегатовъ на пред назначенную конвенцію. Дошло къ суду, который обвинилъ сторонниковъ епископа Такача, что не являются правыми и должны пустить на конвенцію всѣхъ делегатовъ. И здѣсь оказалась правда. Всѣ вороги русского народа латинизаторы, мадьяризаторы и украинизаторы въ челѣ съ епископомъ Такачомъ были устранены, а на ихъ место поставлены честные русские люди, борцы за права русского народа и восточного обряда. Единоголосно въ составъ самой большой карпаторусской организаціи въ Америкѣ вошли: предсѣдателемъ г-нъ Секеракъ, тов. предсѣдателя И. Попъ, духовный управитель о. Молчаній, редакторъ о. Ст. Варзалий.

Русский народъ въ Старомъ краю, побѣду нашихъ братьевъ далеко за моремъ изъ глубины сердецъ привѣтствуетъ. Привѣтствуетъ потому, что изъ своихъ рядовъ Вы знали выбросить куколь, портившій русский народъ. Мы надѣемся, что Всемогущій Господь подастъ руку помощи и бачванскимъ Русинамъ, которые по примѣру американскихъ братьевъ смогутъ выбросить изъ своей среды тѣхъ духовныхъ отцевъ, которые ведутъ русский народъ въ пропасть украинизма.

Помагай Господи!

Н. А. Горнякъ

ДР. БОЇЧ ЦИГАНІ!..

(Одвит на число 28 „Р. Н.“)

На найбезочлївши способ нападнул ме поп Боїч по народносци Хорват. Медзи иншим вон просто и совисно цигані же ме сцели у богословиї у Львове вигнац же сом ше там неучел. А мою оцени у документох шицки добри, але ані єдну оцену немал слабу.

Друге, тот пастир цо му должностъ про-повидац правду и учиц народ: „Не лжи про-тив ближньаго своего“, цигані гоч є яки стари, же ме сцел владика Няради отпушиц тиж в богословиї. Але, правда кед я Влади-кови подзековал же не будаем веци його богослов, та ми Владика писал єдно лисмо и медзи иншим так ми писал: „Ніхто це

нё гонёл зос семинара, кед ши нё могол пойсц до Львова, то ши могол замодліц до Загребу, так як то и други ژробели. Най це Господь провадзи у дальшим Твоім живоце. Бог с Тобу! Дионизий, владика".

Так то руски народе, так ёден чловек зос познату нам прешлосцу грабеше другого брудзіц а сам є велью бруднейши. Вон ше усудзел клеветац. Але цалу ствар и клевету Бойчову и „Руски Новини“ цо так вредно друковали процив мнё, дал сом до суду и тот клеветнік будзе одвітовац пред судом. Незнам як ше будзе вимотовац бо мам и Владиково пісмо и йндекс (сведоджбу) зос позитивними ѡценами:

Др. Бойчу и редакторчику „Руских Новинох“ до видзеня на судзе!

o. Іоан Виславски

Н О В О С Т И

У Коцуре. Недавно покрадли непознаты лопове в ноци коло 12 годзин од чеснога газди Миколи Брундаи велі ствари з предней хижі. Так они покрадла: 19 заглавки, перини, плахти, хустки, хусточки, шицко нове и драге, а велька часц того була приготовена за дзивку на одай. Дотераз ше лоповох непренашло, але то чудне же на таки способ украдли исто так нови красни ствари од Крумеса и од Райштера.

У Керестуре бул Н. Горняк зос Горніці хторого так „Р. Н.“ оклеветалі. Вон бул почасцени од побожнога священіка Йоци Будинскаго зос тим же му Йоца указовал ревулвер, поп Тимко ше узрювал, а кед ше врацал вечар п. Горняк та побожни „просвітаše“ нападли го як збойнікі зос каменями. Ганьба то Просвіти хтора так виховує свойо дзеци, да напаðаю на люцки живот. Долу с таким просвіташами, таким место у Митровици!

У Вербаше було велькеторжество гевного тижня бо там ше ёдна часц Русинох врацела на святу Православну виру и охабела унию и папу. На многая! таким юнаком, що иду за Христом. После ше кресцело 9 дзвівче ёдного радника а Й. В. Краль кумовал прейс изасланика хторога привезли на 5 коњох зос штациі до церкви православнай.

Українски „Трозуб“ знак верносцы Гембешови ноши младеж у Керестуре. Тот исти знак „Трозуб“ мали українски скаути на свеопішчому слету (Джембори) у Gödöle (мадярскай) 1933 року дзе пришагалі верносцы председнику мадярской влади п. Гембешу. Тоту акцію водзи поп Тимко.

ПОДЗЕКОВАНЕ

Чехословачкому Министэрству школах и народнай просвіти у Прагу.

Долу потписана культурна установа Русинох у Югославії виражує искрену благодарносц за послані русски книшкі. Надаме ше же нас високи Наслов и на далей будзе потпомагац, що будзе на пользу збліженя двух славянских державох.

Зос поштованем
Культ.-націонални Союз Русинов у Югославії

Читателью

1) Являм шицким чесним читателью, же шицко токо, що за мнё поп Бойч писал у Руских Новинох, док сом у войску окончовал курс за резервного офицера, циганство недостойне ёдного попа. А особено неправда, же сом не могол звершиц поповски школи; але баш напроці тому правда же сом тоги школи могол звершиц, але сом не єщёл. Як доказ за то можем кождому, кого то интересує, па и попу Бойчу указац писма не лем од преосв. владики Нярадия, но и писма од самого попа Бойча. Окрэм того можем кождому указац и моіо документы (увереня) зос ческих поповских школах, зос которых ше може видзиц чи сом не мог, або не єщёл звершиц поповски школи.

2) Я ше с попом Бойчом не єщем „по босански“ водзиц, та зато з индигнацию одбивам його клевети а вон най ше „по босански“ обрачунава зос варварами а не зос такими культурними людзми як цо є п. редактор Николай Горняк! Ёй нашай культуры, кед шицки Босанци на таки „босански“ спосаб ширия культуру!

3) Чудуем ше барс, як преосв. владика Няради, котрого поштуєм, може церпиц скандали попа Бойча. Не верим же су ми непознати, кед их уж кажде и найменшне дзецко зна. Або можебуц не у станю дацо зробиц?

4) Так исто клевета є же сом ту у Югославії не могол звершиц школи и же сом ше зато оженел. Но правда є же сом ше оженел зато же сом так за наймудрейше нашю. А школи сом, слава Богу, завершел, най ше поп Бойч зато не стара! И ту ше видзи „босански“ характер попа Бойча. Но най ше людзе и таку часц даваю, яку вон прафзу гутори.

5) Поп Бойч лепшэ зроби, що будзе старац о тим да людзе виплаца рукавину, як да водзи цудаи бриги о свой торбі! Так, попе Бойчу, а не іншак!

Николай Д. Олеяров, дпст. правник

Е. Михайлов

СУБВЕРНИ ПОП

Правда, давно то было — людзе припомінай кед у єдним бачванскім селу жил поп Кицкош. Кицкош го волали шицки гоч му тога мене не ношели його предки. Вон то сам стекол и дostaл од своїх овечкох. Бул то поп! Народ лепшого не глядал ані не жадал. Зашпивац, попіц, поєсць и танцовац од нього ніхто не міг лепше. При опходзеню зос людзми бул щири товариш. Ні с ким не мад крижком слова. Франта першого ряду (шору). Єдним словом: поп, якого чешко найсць, и яки ше лем раз у сто роках народзи. Попри шицким тим булеще и гдовец. Люbeli го шицки од малого до велького, а и вон любел шицких. Особиту наклоносць малу — slabшай половки, а поверх шицкого одліковал ше с кромирядну шмелосць.

У истым селу бул и бывствовал Грэшко, або як го волали бетяр Грэшко, котри бул по природы други поп Кицкош. Досць будзе кед повеме же Грэшко бул познати цалей околіци по своім шерпенярским заніманю и по своіх, дапокеди несланих франтох, за раалику од поп Кицкошових. Поп Кицкош ше знал узагнун зос своіма франтами людзом под пазуху, а Грэшко под скору и до души члопека. И було то на єдней свадзбы кед поп Кицкош франтовал за столом за хторым бул и шерпеняр Грэшко. И, якош у франти, вирек поп Кицкош же ше нікого не бої, па ані самого чорта цо вецей ані не вери же постоі чорт. Грэшко слухал попа и сновал у своеі шерпенярской главі як би доказаць поп Кицкошові же „не шицко злато цо ше швици“ и же постоі чорт. Надумане, зробене.

Єдней недзелі вщас рано шейтал ше шерпеняр Грэшко коло церкви зос зайдичку под пазуху. На єдну ногу храмал цошка и подперал ше на грубу паліцу.

Накеди церковнік отворэл церкву. перши вошёл Грэшко док ўсе іншаго не было и недримичательно скрыл до олтару. Ютреня почала як звичайно. Народ напольнел церкву. Поп Кицкош разположени не може быць лепше. На дзияка джмуркнул и дал му знак най да-кус росцагнё. Слунково лучи предарли през окні до церкви а цинь жаленого лісца старого дуба танцуе по очкох на окнёх. Веселе майскэ рано, швижи воздух, шпив птичкох, шицко тога ма вліяніе на расположение человека. И дзияк нацаговал и росцаговал и давал такт побожным селяном. Глас дзияка, попа, побожного народу и весели шум майского рана вонка, злялі ше ведно до совершеней не-

бескей чувствовательней гармоній, котру погубиць бул бы неопростими смертельны грихи. А ипак шерпеняр Грэшко несановал труду и волі шицко тога нарушиць и уляць панички страх поп Кицкошові аж до косцох, а другім даць могучносці обегована. Було то коло полю ютрині. Паноцец обачел у єдним куце цошка недзвічайне: чорта зос двойністима видлами у рукох, котри були червени, як з огня, виняты. Поп Кицкошові одняло моцногох: тресли ше под нім як два нади на вітре. Збачел дзияк же дирга реверенда на попови и да скріє шміх у себе — бо думал же поп франтуе, — пущел моцнейше глас, а народ за нім як по команди. Поп Кицкош стоял у олтаре, але ноги не мирую. Не дума нічим іншим лем о тим як ше створел чорт у куце. Аutomатски шепта молитву за одгнаняне злих духох але не помага.

Чорт ше помали прибліжуе гу олтару, вивалюе язик, превраца з очми, маха з главу, а видли нацагуе просто на попа. Поп Кицкошові ше поврацела присебносць, нагло скочел на бок и на лівых дзверох з роширеними руками злярмал: „сцекайце, чорт!...“ и док сцигнул на дзвери, дзвери були заглобени од народу. Як стрела шмікнул дзияк аж до турні зос крилосу, а церковнік за нім. Поп, котрому страх вошол и до косцох глави, на хторей ше му власи випросцали, кед видзел же дзвери полни, почал ше грабац прейг народу и так ше дostaл на плеча шивого діда Антона, хтори од страху влапел попа за ноги и руцел го прейг шицких вонка с церкви. Поп Кицкош кед дostaл луфту и очуствовал шлебодни простор, скочел и сцекол до фари. У страху не потрафел капурку але ше преруцел през ограду и так спасол главу, по його думаню, од цигурней шмерцы.

Було цо було, да на тим остало, та би и сам чорт бул задовольни, але поп ше похорел. Не добре му, та не добре. Лікар установел же дostaл потрес мозгу, а баба Юла же до ньго вошол „нечисти“ и же би з нім до Маряюду на лічене.

Шерпеняр Грэшко (Грицо по кресценим писму) хтори одбавел одлично ролю чорта, не шмел ше нікому похваліц же то вон бул „нечисти“ додгод поп Кицкош (Кирил) зошицким не оздравел и владика знова не пошвецел церкву.

Читайце

РУССКУ ПРАВДУ